



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

Privilegium Sacræ Cæsareæ Et Catholicæ Majestatis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



PRIVILEGIUM

SACRÆ CÆSARÆ ET CATHOLICÆ MAJESTATIS.



AROLUS SEXTUS,

Divinâ favente Clementiâ Electus Romanorum IMPERATOR semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiae, Sclavoniæ &c. REX; ARCHIDUX Austriæ; DUX Burgundiae, Styriæ, Carinthiæ, Carniolæ, & Württembergæ; COMES Tyrolis &c. Agnoscimus & notum facimus tenore præsentium Universis, quod, cum Nobis Noster Sacrique Imperii fidelis dilectus ANDREAS CHEVALIER Typographus LUXEMBURGENSIS, humillimè supplicârit, ut Privilegium Impressorium super **BULLARIO MAGNO ROMANO Novissimo**, a Beato **LEONE MAGNO**, usque ad **PONTIFICEM nunc Regnantem**, cum suis Supplementis, in Folio & Novem Tomis sibi impetitum, ad alios Decem Annos extendere clementissimè dignaremur. Nos submissis paiter ac æquis ejus precibus annuendum censuerimus: Ac proinde Autoritate Nostra Cæsarea omnibus & singulis Bibliopolis, Bibliopægis, Typographis, & aliis quibuscumque rem Librariam seu negotiationem exercentibus, firmiter inhibemus, vetamus, & interdiciamus, ne quis supra nominatum **BULLARIUM MAGNUM ROMANUM**, sub hoc aliove titulo aut forma per decem Annorum spatium ab hodierno die computandum, intra Sacri Romani Imperii, & Regnorum Diionumque Nostrarum Hæreditariarum fines recudere, vel aliis recudendum dare, aliorumve impressum apportare, citra præfati impetrantis, ejusdemque Hæredum ac Successorum voluntatem in scriptis obtentam, ausit vel præsumat. Si quis verò secus faciendo Privilegium hoc Nostrum seu Interdictum violare, contemnereque præsumperit, cum non solum ejusmodi Exemplaribus, ubicunque locorum repertis, perperam quippe recufis, seu apportatis (quæ dictus ANDREAS CHEVALIER, sive propria auctoritate, sive Magistratus illius loci auxilio, sibi vindicare poterit) de facto privandum, sed & decem Marcarum auri puri pœna Ærario seu Fisco Nostrò Cæsareo & Parti læsæ ex æquo pendenda, omni spe veniæ sublata, mulctandum decernimus, dummodo tenor hujus Nostrî Privilegii in fronte libri impressus reperiatur, & consueta quinque Exemplaria Consilio Nostrò Imperiali Aulico exhibeantur. Mandamus itaque omnibus & singulis Nostris & Sacri Romani Imperii, Regnorumque & Dominiorum Nostrorum Hæreditariarum Subditis, & fidelibus dilectis, tam Ecclesiasticis, quam Sæcularibus, cujuscunque status, gradus, dignitatis, aut ordinis fuerint, præsertim verò iis, qui in Magistratu existentes, vel suo vel Superiorum suorum loco jus justitiarumque administrant, ne quentquam Privilegium hoc Nostrum Cæsareum violare, spernere, aut transgredi patiantur: Sed si quos contumaces compererint, constituta à Nobis mulcta eos puniri, & quibuscunque modis idoneis coërceri curent, quatenus & ipsi gravissimam Nostram indignationem prædictamque pœnam evitare voluerint. Harum testimonio literarum manu Nostra subscriptarum, & Sigilli Nostrî Cæsarei appensione munitarum, quæ dabantur Laxenburgi vigesima prima Maii anno millesimo septingentesimo trigesimo septimo, Regnorum Nostrorum, Romani vigesimo sexto, Hispanicorum trigesimo quarto, Hungarici & Bohemici verò vigesimo septimo, &c.

CAROLUS.



UT JO. AD. COMES
DE METSCH.

Ad Mandatum Sac. Caf. Majestatis proprium.
J. J. HAYECK de Waldstätten.

Et memoratus CHEVALIER superscriptum Sac. Caf. Majest. Privilegium ex integro concessit PELLISSARI & SOCIIS, ex conventionione factâ inter eos Quarto Nonas Martii Anni 1738.